

# Ninna Nanna de Anton'Istene

Antioco Casula - Montanaru

Ninna nanna pizzinnu, ohi ninna nanna  
ti leo in coa e canto a duru duru,  
dormi pizzinnu dormidi seguru  
ca su cane ligadu ap'in sa janna.

Babbu tuo de pena nd'est pienu  
cant'est pienu s'orriu de trigu  
ma tue dormi pizzinnu in logu aprigu  
cun cara tunda e animu serenu.

Si malos bisos faghes in su sonnu  
tue non timas ne piangas mai,  
cando t'ischidas t'ischidet mamai  
nèndeti contos de nonna e de nonnu.

Unu caddittu t'apo a comporare  
cun sedda bella e cun frenos de oro;  
des'andare in Caddura e Logudoro  
e tott'a tie deven invidiare.

Ti ponz'a coddu sogu cun fusile  
e duos canes ti peso pro cazza;  
canes de Fonne, canes de arrazza  
pro ti fagher difesa in su cuile.

E poi ti regalo elvegges chentu  
e una tanca tottu fiorida,  
una este de pannu colorida  
e t'accompagno finzas a Gennargentu.

E poi ti regalo una fortuna manna  
pro chi mai in sa vida apas dolore.  
A la cheres? M'iscultet su Signore!  
Ninna nanna pizzinnu, ohi ninna nanna.